

sem hluta af lokaekunn. Umsjónarkennari gefur einkunn fyrir lokaverkefni ásamt prófómara sem tilnefndur er af meistaranámsnefnd.

6. gr.

Deildarfundur í lagadeild kýs þriggja manna meistaranámsnefnd til tveggja ára í senn og skulu a.m.k. tveir nefndarmanna vera úr hópi fastráðinna kennara við deildina.

Meistaranámsnefnd tekur ákvarðanir samkvæmt reglum þessum, meðal annars hvaða námskeið boðið er upp á í meistaranámi, vægi þeirra, hvenær þau eru kennd og hvernig námsmati sé hagað, sbr. 1. mgr. 4. gr.

Meistaranámsnefnd fjallar um og tekur ákvörðun um umsóknir vegna náms til meistaraþrófs. Nefndin ákveður form umsókna sem deildarforseti staðfestir. Nefndin getur gert tillögu um að takmarka inntöku nýrra nemenda við ákveðinn fjölda, sbr. 9. mgr. 91. gr. reglna nr. 458/2000.

Deildarforseti getur settið fundi meistaranámsnefndar.

Ef ekki er samkomulag um mál í meistaranámsnefnd skal það lagt fyrir deildarfund til ákvörðunar. Ennfremur getur nefndin eða deildarforseti ákveðið að leggja mál fyrir deildarfund til fullnaðarákvörðunar.

Reglur þessar eru settar samkvæmt heimild í 5. mgr. 91. gr. reglna fyrir Háskóla Íslands nr. 458/2000.

7. gr.

Að öðru leyti en kveðið er á um í reglum þessum skal farið eftir reglum fyrir Háskóla Íslands nr. 458/2000.

Reglur þessar sem samþykktar hafa verið af deildarfundum í lagadeild og hlotið staðfestingu háskólaráðs sbr. 2. mgr. 13. gr. laga nr. 41/1999 um Háskóla Íslands og 67., 68. og 5. mgr. 91. gr. sameiginlegra reglna fyrir Háskóla Íslands nr. 458/2000, öðlast þegar gildi.

Auk birtingar í B-deild Stjórnartíðinda sbr. 1. mgr. 20. gr. laga nr. 41/1999 skal birta reglur þessar í kafla lagadeildar í kennsluskrá og á heimasíðu deildarinnar.

*Háskóla Íslands, 10. september 2002.*

**Páll Skúlason.**

*Þórður Kristinsson.*

## **SKIPULAGSSKRÁ**

### **fyrir Fullorðinsfræðslu fatlaðra.**

1. gr.

Fullorðinsfræðsla fatlaðra er sjálfseignarstofnun með sérstaka stjórn. Heimili og varnarping hennar er í Reykjavík. Stofnunin ber ábyrgð á skuldbindingum sínum með öllum eignum sínum. Hún er ekki háð neinum öðrum lögaðilum.

2. gr.

Stofnendur Fullorðinsfræðslu fatlaðra eru: Öryrkjabandalag Íslands og Landssamtökin Proskahjálþ sem því til staðfestu undirrita skipulagsskrá þessa. Aðrir sem gerast stofnaðilar innan sex mánaða frá stofnun Fullorðinsfræðslu fatlaðra teljast einnig til stofnenda. Fjárhagslegar skuldbindingar stofnunarinnar eru stofnendum óviðkomandi umfram stofn-

framlag. Stofnframlag er kr. 570.000 sem er óskerðanlegur höfuðstóll og er það greitt í jöfnum hlutföllum á milli Landssamtakanna Þroskahjálpar og Öryrkjabandalags Íslands.

Framlagið hefur verið greitt og er það ávaxtað á sem bestan hátt.

### 3. gr.

Markmið Fullorðinsfræðslu fatlaðra er að skipuleggja námskeið fyrir fullorðið fatlað fólk sem ekki á kost á starfsþjálfun og símenntun hjá öðrum símenntunaraðilum. Nám og kennsla Fullorðinsfræðslu fatlaðra hefur að markmiði að auka sjálfstæði, öryggi og vellíðan nemenda m.a. með því að

- efla starfshæfni fatlaðra í atvinnulífi
- bjóða einstaklingum hagnýta og fræðandi þekkingu á fjölþættu sviði
- veita ráðgjöf til fyrirtækja um símenntun fatlaðra og starfsþjálfun þeirra
- stuðla að auknu framboði á símenntun fyrir fatlaða og miðla því til almennings og atvinnulífs. Hér er átt við jafnt formlega og óformlega menntun, starfsmenntun, tómstundanám, nám í lífsleikni og bóknám
- fylgjast með og nýta bestu fáanlegu kennslutækni fyrir fatlaða
- hafa samstarf við aðra aðila er sinna símenntun á Íslandi
- kynna fyrirtækjum símenntunartilboð fatlaðra
- bjóða nemendum Fullorðinsfræðslunnar upp á starfs- og námsráðgjöf.

### 4. gr.

Stjórn Fullorðinsfræðslu fatlaðra er skipuð fimm mönnum til þriggja ára í senn og fimm til vara. Landssamtökin Þroskahjálp og Öryrkjabandalag Íslands tilnefna tvo menn hvor, Kennaraháskóli Íslands einn. Varamenn skulu tilnefndir með sama hætti. Stjórn skiptir með sér verkum. Einfaldur meirihluti gildir á stjórnarfundum. Forstöðumaður Fullorðinsfræðslu fatlaðra situr að jafnaði stjórnarfundum með málfrelsi og tillögurétt.

### 5. gr.

Stjórn Fullorðinsfræðslu fatlaðra ber að vinna að markmiðum stofnunarinnar og kemur fram fyrir hennar hönd gagnvart þeim sem veita henni fjárhagslegan stuðning. Stjórnin ber ábyrgð á rekstri, fjárhag og eignum stofnunarinnar. Stjórnin ákveður meginþætti í stefnu og starfstilhögun stofnunarinnar og setur sér og stofnuninni starfsreglur. Boða skal stjórnarfundum með tryggilegum hætti. Stjórnarmaður má ekki taka þátt í meðferð einstaks máls ef málefnið varðar hann persónulega.

### 6. gr.

Stjórn Fullorðinsfræðslu fatlaðra skal halda ársfund eigi síðar en í apríllok ár hvert. Þar skal gera grein fyrir starfi Fullorðinsfræðslunnar og kynntir endurskoðaðir ársreikningar. Þar skal einnig tilnefning löggilts endurskoðanda, stjórnarmanna og varamanna í stjórn fara fram. Auk stjórnarmanna eiga rétt til setu á ársfundum með málfrelsi og tillögurétt þrjár fulltrúar frá Landssamtökunum Þroskahjálpar og þrjár fulltrúar frá Öryrkjabandalagi Íslands.

Ársfund skal boða skriflega með viku fyrirvara.

### 7. gr.

Stjórn Fullorðinsfræðslu fatlaðra ræður forstöðumann og setur honum erindisbréf. Forstöðumaðurinn ber ábyrgð gagnvart stjórn stofnunarinnar. Hann annast daglegan rekstur, ræður starfsfólk stofnunarinnar og annast reikningsskil. Forstöðumaður undirbýr fjárhagsáætlun næsta starfsárs, sem skal lögð fyrir stjórnina í nóvember ár hvert.

## 8. gr.

Tekjur Fullorðinsfræðsla fatlaðra eru rekstrarstyrkur frá menntamálaráðuneytinu vegna kaupa á kennslu, húsaleigu og annarra rekstrargjalda. Tekjur geta einnig verið af þjónustu fyrir heilbrigðis- og félagsmálafirvöld, framlög frá sveitarfélögum, samtökum, fyrirtækjum og einstaklingum.

## 9. gr.

Til þess að Fullorðinsfræðsla fatlaðra geti náð megintilgangi sínum er stjórninni heimilt fyrir hönd stofnunarinnar að eiga samstarf við aðra og gerast í því skyni aðili að samstarfssamningi um lengri eða skemmri tíma. Fullorðinsfræðsla fatlaðra getur með sérstökum samningi tekið að sér fræðsluverkefni sem teljast hliðstæð námsframboði á framhalds- og háskólastigi. Halda skal kostnaði af slíkri starfsemi að fullu aðgreindum frá öðrum rekstri stofnunarinnar.

## 10. gr.

Reikningsár Fullorðinsfræðsla fatlaðra er frá 1. janúar til 31. desember ár hvert. Forstöðumaður skal eigi síðar en í lok febrúarmánaðar leggja fram eftirtalin gögn fyrir stjórn stofnunarinnar til afgreiðslu:

1. Skýrslu um starfsemi síðasta starfsárs.
2. Endurskoðaðan ársreikning liðins starfsárs.

Reikningar Fullorðinsfræðsla fatlaðra skulu endurskoðaðir af löggiltum endurskoðanda. Endurskoðaðir reikningar skulu sendir Ríkisendurskoðun eigi síðar en 30. júní ár hvert fyrir næst liðið ár ásamt skýrslu um hvernig fé stofnunarinnar hefur verið ráðstafað á því ári.

## 11. gr.

Skipulagsskrá þessari verður aðeins breytt eða starfsemi Fullorðinsfræðslu slitið ef 4 af 5 stjórnarmönnum Fullorðinsfræðslu fatlaðra eru því samþykkir, enda sé fundur lög-mætur og tillaga um slíkt hafi verið kynnt sérstaklega í fundarboði. Slíkar ákvarðanir skulu hljóta staðfestu dómsmálaráðherra. Ákvörðun um slit starfseminnar skal auk þess hljóta staðfestingu stjórnar Landssamtakanna Þroskahjálpar og Öryrkjabandalags Íslands.

Verði starfsemi Fullorðinsfræðslu fatlaðra hætt og starfsemin lögð niður skal eignum hennar ráðstafað í samræmi við markmið Fullorðinsfræðslunnar, eftir nánari ákvörðun stofnaðila.

Um reikningshald fer að lögum nr. 19/1988 um sjóði og stofnanir sem starfa samkvæmt staðfestri skipulagsskrá. Leita skal staðfestingar dómsmálaráðherra á skipulagsskrá þessari.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

*Dóms- og kirkjumálaráðuneytinu, 6. september 2002.*

F. h. r.

**Drífa Pálsdóttir.**

*Bryndís Helgadóttir.*